

時疫辨卷二

侯官林慶銓藥叟述 男象樞校刊

新會區德森子靜箋

凡事急則思變。今之時疫殺人最速。治之者若泥古法而不知變法。固未盡拯溺救焚之道耳。前述四家方論。俱指常疫而言。今于治常疫之外。特立變法八門。以期于慮之一得云。

八門變法分治

一解毒通絡法。疫病已入三焦。病見寒熱或獨熱或頭痛身痛。或生核未核。均可服此。

時疫辨

卷二

治疫變法

時疫本五毒也。文帝全書言之最詳。五疫之說見于內經。近來時毒治以古方。往往不靈。愚因歷考方書。證之時論。立一通解之方。

通解五毒飲

紫草茸 四錢 蒟葉 式錢 牛黃 壹錢 生地 式錢 角刺 叁錢

桃仁 搗如泥 式錢 元參 叁錢 牛蒡子 式錢 山甲 叁錢 鬱

金 式錢 連翹 式錢

草茸專解陰陽毒。牛黃金汁大解熱毒。且牛黃與鬱金皆入心經。散鬱消痰。可解諸經毒邪。山甲角

通解五毒方甚妙。大解熱毒。破堅散鬱。消痰最合時疫核証。真濟世良方也。近日市肆所賣紫草茸。乃紫耳耳紫草之茸。如草之茸。一般為疫毒初起。與痘疹初起。良藥羊城。蒟肆亦一二間有賣。餘俱以紫耳

作草茸不可
不知 子靜
補箋

周廣和先生
疫論言言金
玉字字可為
法程近日核
証無以易之
非于此道三
折肱不能道
出 子靜補
箋

刺破堅而不傷陰。生地元參以濟溫邪灼液也。
一通解三焦兼以養陰法

余母舅周廣和先生云。治疫之道宜疏達而不可發表。宜芳香而不可辛燥。宜辛涼而不可冰閉。宜疎利而不可傷液。升提則衄血。峻下又恐暴脫。用藥之難。左防右礙。明季福州大疫。名曰風疔瘡。日死以萬計。有仙人指授此方。活人無算。名曰八面通。

八面通

面目俱赤。語音重濁。呼吸俱粗。大便閉。小便瀉。舌苔老黃。甚則黑。有芒刺。但惡熱不惡寒。日晡

時疫辨

卷二

治疫變法

二

益甚

茵草 壹錢 紫草 五錢 浮萍 貳錢 歸尾 貳錢 山甲 叁錢
皂刺 叁錢 蒟葉 錢半 元參 五錢 浙貝 四錢 葱頭 壹錢
藍龍 錢半

此方亦絲絲入扣。與前方皆治核証之良方也。然欲開堅破鬱。息角刺。多用亦無妨。方名八面通。真無所不通也。子靜補箋

家茵草。蒟葉。芬香。逐穢。浮萍。疎解。營衛。力在麻黃之上。歸尾。山甲。皂刺。開堅破鬱。紫草。藍龍。專解溫毒。葱頭。表而不散。妙在元參。浙貝。二味。濟肺腎之水。而供消灼。且能化痰。所以百面通也。

一 排膿破堅法

此方專治疫病結核。鼓盪。祛邪破結。妙劑。症到危險。不能不排解。以救陰也。

王清任立方多從治痰得手此通經逐瘀湯借治鼠疫核証真權衡盡善麝香分兩太重有皂刺地龍則無堅不破無隙不入麝香用二分便得若用一錢此味已值銀三兩六錢貧困之家恐難爲力

子靜補箋

惡核之阻塞隊道致疫氣不得外由皮膚而出必內攻臟腑正與此相類

王清任有通經逐瘀湯一方。本醫痘名方。以之借治鼠核。絲絲入扣。非同升麻鼈甲湯之燥烈也。有友以升麻鼈甲散原方。竟將雄黃川椒二味除去。易以浙貝元參角刺三味。竟多奏效。

通經逐瘀湯

此方用于已結核者相宜

桃仁 八錢 紅花 貳錢 赤芍 叁錢 山甲 四錢 皂刺 六錢

地龍 叁錢 柴胡 壹錢 麝香 三分 或加生地

參錢 大便乾燥加大黃 貳錢 便利去之

王清任謂人之病疫卽孩兒之天花也。今節錄其

時疫辨

卷二

治疫變法

三

論云。遇天行濁氣之瘟疫。由口鼻而入。氣管由氣管達於血管。將血中濁氣逐之。自皮膚而出。色紅似花。故名天花。形如豆。故名曰痘。總之受瘟疫輕。瘟毒隨花而出。出花必順。受瘟疫重。瘟毒在內。逗。邇不能隨花而出。出花必險。受瘟疫至重。瘟疫在內。燒煉其血。血受燒煉。其血必凝。血凝。色必紫。血死。色必黑。痘之紫黑。是其証也。死血阻塞道路。瘟疫之毒。外不得由皮膚而出。必內攻臟腑。臟腑受毒。火煎熬。隨變生各臟逆症。正對痘科書中所言。

今之核疫要
兼瘡科合內
科治之此語
中的若不兼

外敷徒求內
治恐難速效
且不兼放痧
法毒無所洩
雖外敷內治
亦恐惡核毒
癢未能遽平
子靜補箋

某經逆痘。不知非某經逆痘也。乃某經所受之瘟毒也。痘之順逆。在受瘟疫之輕重。治痘之緊要。全在除瘟毒之方法。瘟毒不除。花雖少而必死。瘟毒若除。花雖多不致傷生。痘科書中。但論治胎毒。而不知治瘟毒。縱知治瘟毒。而不知痘毒。巢穴在血。若辨明瘟毒輕重。血之通滯。氣之虛實。立效治痘。於反掌之間。此所謂知其要者。一言而終耳。藥叟曰。今之鼠疫。當以醫林改錯醫痘之法。變通治之。當有出色之處。且也。今之時疫。生癰。必要兼

時疫辨

卷二

治疫變法

四

通痘科瘡科合內科而治之。乃有把握王洪緒外科全書林藥樵之痧書合王清任書參觀互證。自與眾不同。

一寓瀉於補法

此法治體弱及老幼疫病既不可瀉。又不可補。以此三方代承氣。

此症最忌溫補。婦孺皆知。然而有時挾虛者宜補瀉兼行。不得一味涼瀉。汪詎菴引明季河北大疫。以補瀉兼行。活人無算。一條。雖不得援以為例。然亦不可偏廢。李東垣張景岳喻嘉言治溫。亦近於補。吳菊通亦步步關顧滋陰。蓋此症最怕傷陰。□

人中黃一味
疫証痧証多
以此爲主葯
不獨能解熱
毒亦取以穢
逐穢之義且
近時核証多
發於兩股此
葯最爲中肯
新加黃龍湯
人參一味近補

若有惡核不
宜輕施子
靜補箋

開竅通裏亦
備用一法與
一意專下者
大相逕庭
子靜補箋

然而用補劑十中一二耳。如用之宜慎之又慎。惟
菊通三方。獨闢千古。如新加黃龍湯。及增液湯。清
燥湯是也。以下三方核症不宜

增液湯

元參 麥冬 生地

清燥湯

元參 麥冬 生地 知母 人中黃

新加黃龍湯

此方專治虛疫若生核不可用

苦參 生地 甘草 人參 大黃 芒硝

時疫辨

卷二

治疫變法

五

元參 麥冬 當歸 海參 羌汁

一開竅通裏法

萬歷丙戌大梁屬瘟疫大作。士民多斃。甚至滅門。
其証憎寒壯熱。頭面頸項赤腫。咽喉痛昏。憤名曰
大頭瘟。有名醫發一秘方。名二聖救苦丸。用牙皂
以開關竅而發其表。用大黃大瀉諸穴而通其裏。
一服卽汗。一汗而愈。真仙方也。稟壯者百發百中。
虛弱者先服荊防敗毒散。若未愈。用牛蒡芩連湯
亦效。

二聖救苦丸

大黃四兩 猪牙皂角式兩

共為末。麩糊為丸。菜豆大。每服五六十九。以菜豆湯下。

又消毒丸

二聖救苦用開上通下法消毒丸用疆蚕牡蠣又加化清氣消稠濁瘕法而以大黃滌蕩之

治時毒疔瘡惡症。大黃牡蠣煨白礬蚕炒各壹兩。右為末。蜜丸彈子大。每一丸新水化下。

一味寒涼以清實熱法。臘雪能透達肌膜而散溫邪功在西瓜石膏之上必腊月收藏

乃驗若春雪則否

時疫辨

卷二

治疫變法

六

獨味腊雪水

生核者不可用 此条照錄經驗良方原按

雪水是暑疫良方若施核証恐其冰伏難消雪水專治溫熱子靜補箋

余家舊存經驗良方。中有治溫疫一方。以冬後所收雪水為臘雪。飲治時行之瘟疫。載在方書。余亦身受其救。乾隆丙午年。余年六旬。於七月初忽患時症。服藥無效。連吃西瓜四日。一毫無益。病至十七日。日食不進。夜不成寐。次日午間。目不見人。俱云邪纏殆無生理。余忽思飲雪水。柰醫咸云。生冷不可驟飲。吳先生力勸可飲。余方得連吃冷生臘雪水數杯。即得短睡片刻。醒時睹物如舊。從此

日漸平復矣。是月二十外有葯店主。宓德兒亦患
病危。日吃西瓜無效。照服臘雪水二碗而痊。是年
八九月宓姓病疫。涼葯不效。亦用雪水而愈。連醫
數人均效。

一預防陷邪法

均宜
預製

治疫毒宜涼。然犀角石膏。又恐冰閉。宜
先服護心散及牛黃丸等方。惟此數方

防邪內陷。當于未入心包之先。預服護心散。或服
牛黃丸。及至寶丹四五分。亦可。神不昏亂。則治者
易于措手。

時疫辨

卷二

治疫變法

七

護心散 珠要燉熟乃可服

珍珠 叁分 硃砂 叁分

製法以白水豆腐一塊將珠入豆腐內燉至五點
鐘久即將珠取起候冷研細末拌硃砂方可用該

珠末幼細為妙

一化癥丹 功力最大方未錄

一紫雪丹 功效甚大
生核聖葯

一安宮牛黃丸 稍次之

一至寶丹 又次次之

紫雪丹方

從本事方去黃金此丹治鼠疫第一方此
方妙在干大劑寒涼隊中用升麻二香提

陽使其不閉
真仙方也

葉天士治熱
邪亦有用珍
珠以其潛藏
水底性屬鹹
寒若三焦否
塞逆亂為厥
更宜且熱淫
干內治以鹹
寒也
護心散加入
清涼解毒劑
內服更宜硃
砂不可煎
子靜補箋

紫雪丹徐河溪謂邪火毒火穿經入臟無藥可治此能消解取效如神至寶丹徐氏云安神定魄必備之方真神丹也昏迷痙厥藉以開竅二丹皆可備用無柰向來粵醫不知用菟肆不知賣雖有知其神妙而無從購處非若別省處處

皆有也紫雪丹原方有黃金然分兩頗重用以安鎮心神鞠通去之或嫌其價重然為此方之主藥鄙見謂似不宜去必用金箔數十頁乃得君臣佐使至寶丹原方亦有金箔銀箔各五十片又有雄黃龍腦安息香鞠通去之金銀

滑石 壹斤 右膏 壹斤 寒水石 壹斤 磁石 壹斤以上三味搗煎去渣

入後 羚羊角 五兩 木香 五兩 犀角 五兩 沉香 五兩

丁香 壹兩 升麻 壹斤 元參 壹斤 炙草 半斤

以上八味並搗剉入前藥汁中煎去渣入後藥

朴硝 硝石

各二斤提淨入前藥汁中微火煎不住手將柳木

攪候汁欲凝再加入後二味

辰砂 叁兩研細 麝香 壹兩式錢研入前藥拌勻

合成退火氣冷水調服一二錢

時疫辨

卷二

治疫變法

八

局方至寶丹方

犀角 壹兩 硃砂 壹兩 琥珀 壹兩

玳瑁 壹兩 牛黃 五錢 麝香 五錢

以安息香湯燉化和諸藥為丸二百丸蠟護

安宮牛黃丸方

牛黃 壹兩 鬱金 壹兩 犀角 壹兩 黃連 壹兩 硃砂 壹

兩 梅片 式錢 射香 式錢 眞珠 五錢 山梔 壹兩 雄黃

壹兩 黃芩 壹兩

右為極細末煉老蜜為丸每丸一錢金箔為衣蠟

或嫌其值貴
然藉以安鎮
心神為此方
所必用至雄
黃龍腦或以
疫為火証嫌
其燥熱去之
故也而安息
香與射搜剔
幽隱諸竅亦
為此方開竅
至要之藥似
不宜盡去
葉天士曾治
穢疫以菘豆
皮野赤豆皮
馬料豆皮各
五錢入地漿

水中煎湯一
茶杯許候溫
入珍珠數分
冰片半厘勻
三次服冰片
即龍腦也以
熱逆亂為厥
厥屬邪深在
陰故取地漿
重陰之氣珠
潛水底鹹寒
少佐冰片辛
熱能開熱痺
直走至陰以
冀厥止觀此
亦可知用冰
片之法子
靜補箋

護。脉虛者。人參湯下。脉實者。銀花薄荷湯下。每服
一丸。兼治飛尸。瘞厥。五癰。中惡。大人。小兒。瘞厥之
因於熱者。大人病重體實者。日再服。甚至日三服。
小兒服半丸。神昏再服半丸。

方論此芳香化穢濁而利諸竅。鹹寒補腎水而安
心體。苦寒通火腑而瀉心用之方也。牛黃得日月
之精。通心主之神。犀角主治百毒。邪鬼瘴氣。真珠
得太陰之精。而通神明。合犀角補水救火。鬱金草
之香。梅片木之香。按冰片外洋老杉木浸成近世
以樟腦打成偽之樟腦發水中

時疫辨

卷二

治疫變法

九

之火為害甚。雄黃石之香。射香乃精血之香。合四
大斷不可用。香以為用。使閉錮之邪熱。溫毒深在厥陰之分者。
一齊從內透出。而邪穢自消。神明可復也。黃連瀉
心火。梔子瀉心與三焦之火。黃芩瀉胆肺之火。使
邪火隨諸香一齊俱散也。硃砂補心體。瀉心用合
金箔衣。墜痠而鎮攝。再合真珠犀角。為督戰之主
帥也。

一猛藥宣泄法

之

考外洋以納霜為補藥。中華以納霜為
辛烈重病必用重藥。快捷奏效。借用

金雞納霜外洋以爲補藥。外洋皆以消導宜通爲補。使臟腑自無病便是補法。美國燕醫生乃西人之名醫也。所製補丸亦是瀉劑。臨寢服之。次早便瀉一二。金雞納霜服不能過三二。分想必幸烈之甚。備其數可也。子靜

補箋
彭永伯加評
云還是不用
黃金爲安

金雞納霜式分 症重者此藥出自外洋。屈臣氏藥坊有之。此藥性極猛烈。治瘧疾如神。以之借治鼠疫。亦有奇驗。用開水半杯沖服。外敷水仙根搗爛。

疫病用藥。不忌助濕。反以生濕爲貴。以下二條指言實熱若生核則不可爲例

足陽明從燥。金化氣。陽明之燥。劫奪太陰之溼。滋太陰之溼。而泄陽明之燥。固已推原。太陰土溼。所由來實於水。而腎水之枯槁。一耗傷於燥土。一盜泄於風木。治法以麥冬潤陽明之燥。以地黃滋太

時疫辨

卷二

治疫變法

十

陰之溼。以知母元參天冬清金。而壯少陰之水。以當歸丹皮白芍而息厥陰之風。而地黃之性滋溼。清風兼而能之。故三陰並宜。地黃泄陽助溼。至下之品。至於溫病。土燥而木槁。則反爲靈寶。莫佳於此矣。

子靜先生所論紫雪至寶二丹。不宜去金銀。誠學有根蒂之語。可佩。惟近人競言金銀有毒。故樂去之。不獨嫌價貴也。嘗讀古方。金石論云。紅雪紫雪。輩皆取金銀煮汁。假其氣。爾又歷查古方。中金銀大都皆煮汁用。薄者不數見。今若照紫雪原方。黃金百兩。改用十兩。或五兩。先以清水煮一晝夜。再入滑石等品。其庶幾不失古人之意。而又免今人之疑乎。至寶丹亦可類推。鄙見如此。仍望大方家卓奪。永伯氏註。

附錄周氏方案

查粵東之鼠疫症。即滇南之瘧子紅痰症。亦即古人所謂疔瘡瘟瓜瓢瘟也。滇南患此症。由鼠先死而後病及人。時多在九十月間。其源起於秋燥。乃感天之金氣。故病專在陽明經。而發於秋深燥極之際。所以較春瘟更為傷人。秋屬肺而冬屬腎。肺之液。腎之水。不能濟陽明之火。是以秋冬而瘟疫作焉。古書雖疊見其名。究未舉其是寒是熱。病中何經。應用何藥。至吳又可則云。輕者朝發夕死。重者頃刻而亡。乃千百

時疫辨

卷二

附新按

七

廣州之鼠疫。發自春。不得謂與滇南無差。異然皆鼠先死。所同者此耳。鼠肖生于子。其物最不能避濕穢。仍穢氣則疫之毒。癘實從古所無。不必強以天氣地氣分之。若謂天行不正之氣。則人應先中。

年罕有之症。可知古人。尙未閱歷。僅於斷簡殘篇中。見其面目而已。稽諸古而無徵。顧可易其名為鼠疫哉。然循流溯源。窮稽物理。則粵東所患之瘟疫。與滇南實毫無差異。至謂鼠之先死。因受地毒。亦不盡然。蓋天行有不正之氣。鼠先中之耳。其物呼吸極靈。知機極早。故感受最先。避之弗及。可知病在天氣。若專歸之地毒。則較鼠尤近於地者甚多。何為不盡中地毒。且牛瘟死牛。雞瘟死雞。猪瘟死猪。皆未聞因而傷人。何鼠疫之獨能傷人乎。實因鼠之受氣最早。受毒

之鼠在窟穴
雖遇疫死亦
應在後
子
靜補箋

黃芩清濕中
之熱黃連去
熱中之濕二
味皆苦苦能
化燥非甘涼
之比大黃雖
苦然潤而善
走能去腸胃
之燥則與黃
連殊

不亦最先間有鼠先避。而人後病者。亦有鼠死。而人
不病者。並有鼠不死。而人獨病者。原受氣之輕重不
等。不可以鼠疫名之也。觀鼠疫一書。用藥尙無大謬。
特其中有不宣於病者數品。如車前澤瀉。乃利水之
藥。利水則傷津而燥。防風荆芥。則表裏不退熱。古人
已有明訓。以表能亡津液。津液亡。則正汗不能出。故
也。黃連一味。亦須酌用。其性雖寒。而氣仍燥。瘟疫服
之。使人不能大便。吳又可云。溫症始終。以通行爲主。
大黃潤而黃連燥。是以不宜。常見庸醫。有知是熱症。

時疫辨

卷二

附新按

三

然忌大黃。而代以黃連。愈服愈燥。舌黃不退。至死不
悟。誠可悲也。愚亦間用之。乃用於承氣。白虎。多則
七分。少則五分。係用生者。取其引諸藥入於深處。以
去其熱。此理則解人殊難索矣。當瘟疫盛行之時。每
一病。卽不起。或對時卽危亡。若有鬼神使之。令人有
不能援手之勢。不知其病已醞釀日久。特人不自覺
耳。又或居鄉無藥。或延醫不及。或用藥誤。表誤補。致
速其死。雖天寶爲之。而人事亦得無未盡乎。若果用
藥對症。真可與氣數爭衡。重者一日四劑。輕者一日

仍是吳又可治法其辨黃連大黃亦是論疫以宣通為主是千古治疫之妙用然鼠疫不盡承氣下法曾見初年染疫以承氣下之立愈隨後用之或有不效甚矣鼠疫之治不可不多備其法也
子靜補箋

今之癘疫須急用藥內外兼施如救火拯溺須急手乃能有濟若藥遲用一時多有不及援手而斃急病用緩藥杯水豈能救車薪至哉言乎
子靜補箋

二劑。疫氣方盛。十愈五六。傳染之人。十愈八九。疫勢漸衰。十不死一。所用之藥。先以大承氣湯泄手。陽明大腸經之熱。次用白虎湯。生足陽明胃經之津。一日一夜之間。更替服藥。必以大下為度。使毒去。則汗出。脈靜。則身涼。如此治法。無不應手。惟不可先服表劑。以倒行逆施。不但不能得汗。雖仙丹莫可挽回。瘟疫與傷寒。有天淵之別者。一言以蔽之。法在先裏而已。非不令其出汗。惟下後。乃能得汗。瘟疫之中。人傷津液。而奪元氣。故病者多有脫脈。用大承氣湯白虎湯。

時疫辨

卷二

新按

三

者。保津液而復元氣也。逐邪須速。而元氣自復。脈自不脫。俗手不解此理。見發熱。則投表劑。喜平穩。而忌攻伐。病家亦視為無傷。豈知遲用一時之藥。即深一時之病。急病而用緩藥。杯水豈能救車薪。若竟倒行其法。何異操刀殺人乎。此病之來。形狀不一。外見之端。亦種種非一。皆係陽明之毒。播散于十二經之位。即謂之十二經皆熱。亦可胃為十二經之海。十二經皆都會于胃。安危悉定於此。所謂毫髮之間。無所不到。故五臟六腑之告急。而問罪祇在陽明。不可與師。

別地以枉誤其功力也。用承氣以逐其邪。白虎以生其津。起死回生在頃刻間耳。有承氣爲去病之藥。卽有白虎以善其後。至於錯綜施治。臨症加減。要不外解熱生津四字。富貴者犀角羚羊角之類。卽其善後之補藥。貧賤居鄉者。二冬。梔子。連翹。可以代用。至石膏一味。以愚視之。不僅能療瘟疫。誠平日善後補劑之良品也。惜知之者鮮焉。爾然。歷久試之。必得其效。自可同登清涼境界。而瘟疫潛消矣。周君華亭。滇南之名醫也。有粵友函詢時疫治法。周寄此方論。

時疫辨

卷二

新按

古

周氏治核六方

生軍

五錢

元明粉

五錢

分三次煨

枳實

三錢

炒研碎

炒厚朴

叁錢

此第一方。不用引。病重者生軍加至八錢。或一兩。病輕者及小兒。可用三錢。後三味亦照式加減。有病者先服此方。一劑以三碗入腹爲度。若吐去。須另服。大便通後。服白虎湯。

煨石膏

半斤

用布包

淮知母

八錢

鹽水炒

生甘草

叁錢

糯米

五錢

此第二方。服大承氣湯。大便通後。卽服此方。須用大礮。煨用布包。石膏不可服。渣滓須服五六碗。以

無味爲度再煉再服若狂亂燒熱不解大便不甚行則服第三方又下之凡用石膏必須煨過若用生者用如不用金石之藥非煨不能出性也方書有用生者不解藥性大失仲景白虎湯用綿裹煨之意。

調胃承氣湯

生軍 叁錢 元明粉 叁錢 生甘草 貳錢

此第三方溫熱灼陰者用此方下之。

白虎加味湯

時疫辨

卷二

周氏六方

五

煨石膏 四兩 知母 五錢 生甘草 貳錢 連翹 叁錢

炒梔子 貳錢 紅花 叁錢 牛蒡子 叁錢 銀花 叁錢

炒黃芩 叁錢 桃仁 五錢 竹葉五十箇爲引

此第四方不論瘁子紅痰大下之後可服此方二

三劑。

煨石膏 叁兩 元參 四錢 知母 五錢 炙甘草 貳錢

天門冬 五錢 麥冬 五錢 糯米 叁錢 竹葉五十箇引

此第五方瘟疫病後之補劑也生津止渴定喘舌

黃不退自汗不止自利不止或不寐虛煩皆可多

服

煨石膏

三兩布包

生柴胡

五錢

葛根

五錢

炒梔子

三錢研

連翹

三錢

青黛

壹錢

銀花

三錢

牛蒡子

三錢研

桃仁

五錢

研 生甘草

壹錢

生羌

三錢

竹葉

三錢

棗子

三枚

此第六方治兼惡寒發熱發癥嘔吐故於清涼藥中加柴胡葛根二味表劑此二味之性皆係涼表與他味表劑懸殊故可用之

時疫辨

卷二

周氏六方

六

林藥叟曰此条治疫六方本急下救陰之法惟大承氣重生軍一方施于西北土實之人十中八九施于東南土薄之體壯實者一劑而甦若虛寒者用之得當則效用之不當其弊有三一則邪在心包陽明兩處不先開心包徒攻陽明下後仍然昏惑譫語將如之何二則體虧液涸之人下後作戰汗或隨戰汗而脫或不蒸汗徒戰而脫三者下後雖能戰汗以陰氣大傷轉成上澈下泄夜熱早涼之怯證補陽不可救陰不可有延至數月而死者其死均也傷寒重在誤

此論極爲明
通非識見超
越尋常安能
于病中肯繁
一一剖析如
是子靜補
箋

下溫病重在誤汗。卽誤下。不似傷寒之逆之甚。究竟承氣非可輕嘗之品。惟舌苔老甚黑有芒刺。脈體沉實的。係燥結滿。則可用矣。又按承氣有大小之分。用法不同。如舌苔老黃甚則黑有芒刺。但惡熱不惡寒。日晡益甚者。傳至中焦。陽明溫病也。脈浮洪燥甚者。白虎湯主之。用白虎要對症看脈浮則出表爲順。故以白虎之金飈以退煩熱。若沉小有力。病純在裏。則非下奪不可。此二方用之得當如神。

時疫辨

卷二

破周方後

七